



**GODIŠNJI
IZVJEŠTAJ
2018.**

SADRŽAJ

1. Uvodna Riječ	2
2. 2018 godina u brojkama	3
3. Projekti	4
3.1. Pozitivne priče	5
3.2. Global Money Week	6
3.3. Regionalne edukacije	7-8
3.4. Prijatelji bez granica	9-10
3.5. Walls of joy	11
3.6. Kroz oči umjetnosti 2	12
3.7. Zajedno možemo sve	13
3.8. Artivističko ljetno	14
3.9. Tri dana bez tri ekrana	15
3.10. Introspekcija	16
3.11. Ispod Vlašića, u srcu Bosne	16
3.12. Five days to make changes	17
3.13. Krajiško Ljetno	18
3.14. Omladinske zone	19
3.15. Međunarodni dan srednjoškolaca	20
3.16. Socijalni dan	21-22
3.17. XI. Generalna skupština	24
3.18. 11. Rođendan ASuBiH-a	23
3.19. Start Me Up	25
3.20. Poziv za članstvo u Alumni Grupi	26

UVODNA RIJEČ



Dragi srednjoškolci,

Zahvaljujući svim zajedničkim odricanjima, radom, trudom i zalaganjem ali i neizmjerne količini ljubavi i povjerenja koju su srednjoškolci pružili ASuBiH-u, protekla godina za ovu organizaciju ostala je upamćena kao najuspješnija od samog početka ove najpozitivnije srednjoškolske priče u Bosni i Hercegovini. Ovu priču već 11 godina žive srednjoškolci iz svih krajeva naše zemlje, a trenutno našu organizaciju čini oko 1 800 članova iz 63 lokalna tima.


Sve ove godine vodila nas je jedna vizija a to je da svaki srednjoškolac u BiH učestvuje u procesu donošenja odluka koje se tiču njih samih. Ova vizija vodila nas je, ne samo kroz organizaciju, nego i u društvo u kom djelujemo. Ponosna sam jer mogu reći da nakon svih ovih godina i realizovanih aktivnosti idemo dobrim putem i iz godine u godinu stvaramo sve veću i snažniju podlogu za srednjoškolce koji ovo društvo čine boljim iz dana u dan. Hrabro koračajući u svaki novi izazov, rastemo i postajemo svjesniji naše odgovornosti koje imamo prema svim srednjoškolcima koji traže priliku i prostor za realizaciju svojih ideja.

Biti predsjednica jedne ovakve organizacije i voditi je godinu dana bila je moja čast i privilegija, ali prije svega velika odgovornost. Htjela bih zahvaliti svim srednjoškolcima koji su dio ove priče i koji su me naučili šta znači hrabrost i ljubav prema ideji, Upravnom odboru koji me je naučio šta znači prijateljstvo i upornost, to su oni bez kojih protekla godina ne bi bila ista, našem stalnom donatoru, fondaciji SHL, koja me je naučila šta znači povjerenje i koliko znači podrška. I na kraju, hvala svima vama koji pratite i podržavate rad ove organizacije već 11 godina i vjerujete u snagu mladih ljudi koji žele mijenjati svoju okolinu na bolje. Ne sumnjam da ćemo se družiti i u narednim godinama, te zajedno postizati još veće i zapaženije rezultate, a narednim generacijama želim mnogo sreće i zapamtite: na mladost se može udarati, ali se mladost ne može pobijediti.

Valerija Blagojević,

Predsjednica ASuBiH-a,
generacija 2017/18.

2018. U BROJKAMA



61 LOKALNI TIM



1835 ČLANOVA



356 AKTIVNOSTI



164 MEDIJSKIH
POJAVLJIVANJA



154.299,84 KM
BUDŽET

PROJEKTI



POZITIVNE PRIČE

U svijetu punom negative mi se okrećemo pozitivni!

Već treću godinu za redom Asocijacija srednjoškolaca u Bosni i Hercegovini realizovala je projekat pozitivnih priča o najboljim profesorima.

Cilj projekta „Pozitivne priče“ jeste da se javnosti pokažu pozitivni primjeri u školama, ali i da se naglasi važnost profesora u životu jednog srednjoškolaca. Ove godine svoje pozitivne priče srednjoškolci su usmjerili ka svojim profesorima. Oni nas ne uče samo formalnim lekcijama, nego i životnim! Ako jedan pravnik ne obavlja svoj posao najbolje imamo izgubljen slučaj na sudu, ako jedan stolar ne radi imamo pokvarenu stolicu.

Ali ako jedan profesor ne obavlja uredno svoj posao imamo izgubljenu generaciju. Pozitivne priče su tu da ruše barijere između profesora i učenika, tu su da obaraju predrasude o odnosu profesor-učenik i tu su da pokažu heroje sa kredom u ruci koji već godinama od bosanskohercegovačke nezrele djece isklesavaju dijamante i uspješne doktore, naučnike i biznismene. I shodno tome, prošlogodišnja tema glasila je: „Heroji sa dnevnikom i kredom u ruci“

GLOBAL MONEY WEEK

Global Money Week je projekat pokrenut na inicijativu organizacije CYFI (Child and Youth Finance Initiative) sa ciljem da inspiriše djecu i mlade ljude da se informišu o novcu, izdržavanju i poduzetništvu. Ovaj projekat je nastao 2012 godine kao Child Finance Day te je od tad utjecao na živote 7.8 miliona djece i mladih ljudi kroz 23.700 organizacije u čak 137 država. Asocijacija srednjoškolaca u Bosni i Hercegovini je dio njihove kampanje još od 2015. Do sada su to bile određene radionice sa bankama na temu štednje novca, a ove godine smo odlučili malo drugačije obilježiti tu sedmicu. Naime, ove godine smo održali takmičenje u fundraisingu između lokalnih timova. Svaki lokalni tim je imao zadatak da smisli određene aktivnosti pomoću kojih mogu skupiti što više novca a da zauzvrat urade nešto društveno korisno.

Rezultati

21 LOKALNI TIM

38 AKTIVNOSTI
NAJVIŠE LT BRČKO

295 SREDNJOŠKOLACA

2.052,9 KONVERTIBILNIH MARAKA
NAJVIŠE LT ŠAMAC



REGIONALNE EDUKACIJE

U Tuzli, Mostaru i Bihaću održane su 3 regionalne edukacije. Cilj edukacije je sticanje vještina za koordinate i/ili članove lokalnih timova Asocijacije srednjoškolaca u Bosni i Hercegovini, kako bi učesnici edukacije stečeno znanje, usavršene i nove vještine prenijeli članovima lokalnog tima svojih lokalnih zajednica, u cilju što produktivnijeg daljnjeg rada lokalnih timova. Prva na redu regionalna edukacija bila je za lokalne timove mentorske grupe Bilala Softića, člana UO-a ASuBiH-a.



Učesnici su razgovarali o pitanju: „Šta ja imam od ovoga?” gdje su shvatili prednosti i samu suštinu volonterizma i aktivizma i važnosti aktivnog srednjoškolca u današnjoj državi, u cilju poboljšanja statusa srednjoškolca u BiH, što je ujedno i vizija ASuBiH-a, sljedeća tema o kojoj su srednjoškolci razgovarali, zajedno sa misijom, vrijednostima i ciljevima organizacije.

Nakon toga treneri su zajedno sa učesnicima razgovarali o formalnim dokumentima, odnosno o dokumentima kojima se ASuBiH mora voditi i po kojima mora raditi, razgovarali su o Statutu organizacije i predstavili sljedeće formalne dokumente: Safeguarding Policy, Pravilnik o radu koordinatora i Dokument o vrijednostima ASuBiH-a.

PRIJATELJI BEZ GRANICA

Asocijacija srednjoškolaca u Bosni i Hercegovini započela je realizaciju projekta čiji je cilj prikazati srednjoškolsku perspektivu o fenomenu „Dvije škole pod jednim krovom.“ Kroz raniji angažman smo već pokazali veliku borbu za ukidanje segregacije u srednjim školama, sukladno tome projekat „Prijatelji bez granica“ je nastavak te borbe.



Pripremni sastanak se održao u Travniku u periodu 16.-19.2.2018. godine. Tokom ovog sastanka svi učesnici su bili upoznati sa aktivnostima koje ih očekuju u narednih 10 mjeseci realizacije projekta, ali i osnažili smo učesnike za kvalitetnu realizaciju tih aktivnosti. Također u sklopu ovog sastanka organizirali smo press konferenciju za medije kako bi i javnost upoznali s ovim projektom. Konferencija se održala 17.02.2018. u 09:30 u Centru za edukaciju mladih u Travniku (CEM).

Projekat „Prijatelji bez granica“ se zasniva na razvoju kompetencija i vještina srednjoškolaca kroz interkulturalne razmjene. U razmjenama učestvuju srednjoškolci iz 10 lokalnih zajednica koji su pogođeni fenomenom „Dvije škole pod jednim krovom“ ili su primjer dobre prakse za prevazilaženje ove vrste segregacije. Glavni cilj projekta je ukloniti socijalne barijere između učenika koji pohađaju nastavne procese praćene različitim planovima i programima u istoj školi ili zajednici.

PRIJATELJI BEZ GRANICA

Projekat se realizira na području 10 gradova u kojima je prisutan fenomen „Dvije škole pod jednim krovom“, a to su: Bugojno, Žepče, Mostar, Busovača, Brčko, Gornji Vakuf, Travnik, Stolac, Kiseljak i Jajce.

U sklopu projekta organiziran je pripremni sastanak, odnosno edukacija za srednjoškolce koji će učestvovati u razmjenama. Tokom druge faze, koja podrazumijeva lokalne razmjene u dva ciklusa srednjoškolci su boravili u domovima svojih domaćina i s njima pohađali nastavu. Također tokom ove faze organizirane su panel diskusije sa lokalnim akterima važnim za rješavanje ovog problema, ulične ili radne akcije u svakoj lokalnoj zajednici. Završna aktivnost projekta se ogleda u kreiranju akcionih planova za svih 10 lokalnih zajednica baziranih na iskustima sa razmjena.

Ovaj projekat je finansiran grantom Ministarstva vanjskih poslova Sjedinjenih Američkih Država (Department of State). Mišljenja, nalazi i zaključci koji su ovdje navedeni pripadaju autorima i ne odražavaju nužno mišljenja, nalaze i zaključke Ministarstva vanjskih poslova Sjedinjenih Američkih Država.

WALLS OF JOY



Često se osjećamo onako kakvo nam je okruženje, iz tog razloga su visočki srednjoškolci, članovi lokalnog tima Visoko, odlučili oživjeti svoj grad kroz projekt “Walls of Joy”, koji mentorski i finansijski podržala njemačka fondacija “Schüler Helfen Leben” kroz Fond omladinskog angažmana.

U sklopu projekta, išarane i izlizane klupe na visočkom šetalištu vraćene su u život novim slojem bijele farbe i urađen je mural na Gimnaziji “Visoko” koji predstavlja ujedinjene i uporne srednjoškolce, aktivne u mnogobrojnim organizacijama, pokrenute znanjem koje im škola nudi. Projekt je trajao od 15. februara do 5. maja 2018. Pesnice podignute uvis su muške i ženske, kao simbol ravnopravnosti među nama, dok su različite boje kože simbol etničke ravnopravnosti.

KROZ OČI UMJETNOSTI 2

Od 12. do 15.07.2018. godine u Orašju je održan edukativni kamp pod nazivom „Kroz oči umjetnosti 2“. Nakon vrlo uspješne realizacije kampa “Kroz oči umjetnosti” 2017. godine, članovi lokalnog tima Orašje su odlučili nastaviti najljepšu priču njihovog gradića kako bi pružili priliku novoj ekipi da se iskaže na području umjetnosti te su aplicirali na ASuBiH-ov Fond Socijalnog dana.



Članovi lokalnog tima Orašje su na četiri dana ugostili učesnike iz Visokog, Fojnice, Tuzle, Srebrenika i Modriče. Posebni gosti koji su se na iznenađenje učesnika pojavili drugi dan kampa bili su profesionalni glumci iz Dis Teatra Banja Luka. Glumci su iskoristili svoje vještine kako bi svoje znanje i iskustvo učesnicima prenijeli na najjednostavniji, a ujedno i najzanimljiviji način, a ako ćemo suditi po utiscima učesnika, to su i uspjeli. Ostale radionice obuhvatile su teme glume, fotografije, motivacije, aktivizma i timskog rada. Posebno iskustvo pružila je ekološka akcija pod pokroviteljstvom Vijeća mladih. Zajedničkim snagama treneri i učesnici kampa su posadili cvijeće u prostoru oko Omladinskog doma Orašje te su poboljšali i uredili dječje igralište.

ZAJEDNO MOŽEMO SVE

Festival omladinske umjetnosti uspješno realizovan

Ideja srednjoškolaca iz Goražda je bila organizovati festival gdje bi se okupili mladi iz čitave Bosne i Hercegovine, mladi sa sličnim interesovanjima i podjednakom željom da pokažu svoju kreativnost, talenat, te da razviju svoje vještine. I zaista su uspjeli u tome! 20 takvih mladih ljudi, srednjoškolaca, okupilo se na Fočanskoj Jabuci, u blizini Ustikoline. Došli su iz Bosanskog Šamca, Zavidovića, Jablanice, Sarajeva, Bijeljine, Živinica, Gradačca i Maglaja.

Zajedno sa 10 domaćina, članova Lokalnog tima Goražde, učesnici „Festivala omladinske umjetnosti“ prisustvovali su radionicama na temu fotografije, glume i muzike. Treneri su bili poznati mladi i ambiciozni ljudi iz Goražda, koji su se i prije dokazali na polju kulture i umjetnosti. Pored tema fotografije, glume i muzike, pričalo se i o aktivizmu i volonterizmu, te su se još jednom prisjetili pojma i strukture ASuBiH-a.

Nadamo se da je ovaj festival, održan u prirodi, bez savršenog signala i mreže, prvi organizovani događaj ovakvog tipa od postojanja lokalnog tima Goražde, ostao u sjećanju svim njegovim učesnicima, da su naučili nešto novo, da su se zabavili i da su dobili dodatnu inspiraciju da pokrenu nešto ovako i u svojoj lokalnoj zajednici.

ARTIVISTIČKO LJETO

Bugojno okupilo
aktiviste iz cijele BiH!



„ARTivističko ljeto“ je zasnovano na razvoju kvalitetnih kompetencija i vještina, kao i povezivanju srednjoškolaca iz cijele BiH na trodnevnom kampu.

Cilj projekta je povezati što više mladih ljudi i edukovati ih o važnosti kulture i sporta, te informisati širu javnost o značaju mladih ljudi, njihovom aktivizmu i kulturi. Kamp su obilježile brojne radionice i aktivnosti koje su dodatno razvile vještine svih učesnika kampa.

Nakon tih radionica slijede zanimljive „Igre bez granica“ koje jačaju timski i sportski duh. „ARTivističko ljeto“ je također omogućilo svima da se okušaju u streljaštvu i planinarenju na Hajdučka vrata kako bi doživljaj prirode bio potpun. Dječije pozorište „Eko Art“ također je bilo dio ARTivističkog ljeta sa igranjem predstave „Na rubu“.



„Kamp ARTivističko ljeto svim učesnicima je, pored edukacije, učenja i zabave, donio prijateljstvo koje će se zasigurno pamti. Javnosti je predstavio pravu sliku mladih ljudi koji svojom željom, ambicijom i upornošću

„kreiraju prostor za sebe – onakav kakav im je zaista potreban.“ – riječi su Milice Savić iz Doboja.

TRI DANA BEZ TRI EKRANA

U organizaciji Asocijacije srednjoškolaca u Bosni i Hercegovini – lokalni tim Fojnica u mjesecu augustu na Prokoškom jezeru održan kamp pod nazivom “Tri dana bez tri ekrana”.

Fojnica, tačnije Prokoško jezero je bilo domaćin mladim ljudima iz cijele Bosne i Hercegovine.

Mladi iz Doboja, Busovače, Bugojna, Mostara, Maglaja, Kaknja, Bosanskog Petrovca, Jajca, Gacka, Zenice zajedno sa pozitivnom energijom, željom za novim znanjem i



prelijepim ambijentom jezera su bili savršena kombinacija.

“Tri dana bez ekrana su prošla, ali prijateljstvo koje je nastalo ovim događajem će trajati cijeli život”, rekao je organizator kampa. Cilj kampa je bio da učesnici, njih oko 30, provedu 3 dana bez signala i društvenih mreža i shvate koliko ima korisnih stvari za raditi u slobodno vrijeme, a da to nije internet.

Pohvalno je što su mladi Fojničani odlučili organizovati ovakav vid druženja, te se nadamo da ćemo i ubuduće imati priliku pričati o aktivnostima kao što je ova.

INTROSPEKCIJA

Lokalni tim Modriča je u periodu od 24. do 27. augusta 2018. godine uspješno realizovao kamp pod nazivom "Introspekcija", u sportsko-rekreativnom centru Riječani. Na kampu je učestvovalo 30 srednjoškolaca iz Šamca, Maglaja, Tuzle, Orašja, Brčkog, Gradačca i Modriče.

Učesnici su imali priliku prisustvovati radionicama koje su uključivale sljedeće

teme: psihološki problemi mladih;

uočavanje, suočavanje i rješavanje

problema; pisanje projekata; emotivna inteligencija i nezdrave veze i

odnosi. Jedan od trenera na kampu je bila Dragana Tomić, psiholog iz

Modriče, koja je također pružila privatne razgovore svim učesnicima

kampa.



ISPOD VLAŠIĆA, U SRCU BOSNE



Srednjoškolski seminar "Ispod Vlašića, u srcu Bosne" u periodu od 15. do 17.

avgusta, u organizaciji lokalnog tima

Travnik Asocijacije srednjoškolaca u

BiH okupio je dvadeset srednjoškolaca

iz cijele BiH s ciljem upoznavanja

historije grada Travnika, ali i njegove

ljepote. Učesnici su imali priliku

prošetati gradom uz prisustvo

lokalnog turističkog vodiča, posjetiti

najznačajnija obilježja grada, prisustvovati predstavi posvećenoj našem

Nobelovcu Ivi Andriću pod nazivom "Sve moje je iz Bosne", te imati priliku

boraviti na Starom gradu uz lijepo druženje koje im je, kao i sve

navedeno, omogućio Zavičajni Muzej Travnik.

FIVE DAYS TO MAKE CHANGES

U periodu 15.08.-19.08., Udruženje KULT Gradačac, u saradnji sa lokalnim timom Gradačac Asocijacije srednjoškolaca u BiH i Vijećem mladih Općine Gradačac, organizovao je tradicionalni AktivKULT kamp 2018, ove godine pod nazivom: "Five days to make changes". U Gradačcu, na prostoru oko Omladinskog trening centra na Popovači, okupilo se ukupno 20 omladinaca sa područja Sjeveroistočne BiH, i to iz: Živinica, Lukavca, Banovića, Maglaja, Tuzle, Brčkog i naravno Gradačca.

Gosti su u svoje slobodne vrijeme mogli da nauče nešto novo te da se upoznaju sa iznimno bogatim kulturno-historijskim naslijeđem i znamenitostima Gradačca i prirodnim ljepotama koje nudi, poput naša 2 jezera: Hazne i Vidare.

Kamp je realizovan uz međusobnu saradnju Instituta za razvoj mladih KULT, Društvenog centra/Networksa i Asocijacije srednjoškolaca u BiH.



KRAJIŠKO LJETO

Krajiško ljeto je projekat mobilnosti srednjoškolaca koji se realizuje u Cazinu, a okuplja mlade ljude iz mnoštva gradova u BiH. Dosada su u periodu od više godina organizovani Krajiško ljeto I, II, III, a zadnje izdanje manifestiralo se kao Krajiško ljeto IV (2018.).



Ugostilo je 30 učesnika koji su kroz 7 dana imali mogućnost raditi sa vršnjacima na problemima koje susreću u svojim lokalnim zajednicama, dok je glavna tema bila odlazak mladih iz BiH. Održale su se razne radionice i rasprave kako bi se što bolje upoznali s problemima, te na kraju osmislili najprikladnija rješenja koja će pokušati implementirati u vlastitim lokalnim zajednicama. Cilj je bio dati mladima realne ideje koje mogu iskoristiti te povezati ih sa njihovim vršnjacima kako bi kasnije mogli biti bliži suradnici u rješavanju ovih problema. Događaj je također promovirao lokalne prirodne ljepote i kulturne znamenitosti, tako da su učesnici imali priliku posjetiti Stari Grad Ostrožac, te kupati se na rijeci Uni.

OMLADINSKE ZONE

Ovog ljeta svoju zonu (prostor) dobila su 3 grada u Hercegovini, a to su Stolac, Trebinje i Posušje. Zamisao o jednom prostoru, dobili smo upravo kroz oči mladih ljudi koji su nam davali svoje ideje. Takav jedan prostor sadržava će klupe, mini binu, stolice, cvijeće, ma sve ono što mladi ljudi oduvijek žele! Prostor u kojem će moći stvarati ideje, družiti se i pomagati svojoj lokalnoj zajednici.

Prva takva omladinska zona pravila se u Stocu 14.8 – 17.8., druga u Trebinju 21.8.-24.8., i posljednja u Posušju 27.-30.8.2018.

30 mladih ljudi iz tri lokalne zajednice provelo je pet dana na svakoj lokaciji i zajedno radilo na realizaciji ovog projekta u sve tri gore navedene zajednice. Četiri dana su uređivali prostor, a peti dan su oslikavali mural “

“Hercegovina – zemlja sunca i krša”.

30 mladih ljudi iz tri lokalne zajednice provelo je pet dana na svakoj lokaciji i zajedno radilo na realizaciji ovog projekta u sve tri gore navedene zajednice. Četiri dana su uređivali prostor, a peti dan su oslikavali mural “Hercegovina – zemlja sunca i krša”.



17.11. MEĐUNARODNI DAN SREDNJOŠKOLACA

Asocijacija srednjoškolaca u Bosni i Hercegovini je ove godine u 50 lokalnih zajednica širom Bosne i Hercegovine, deveti put za redom, obilježila 17.11. – Međunarodni dan srednjoškolaca.

Ovaj dan se obilježava u znak sjećanja na studentske proteste koji su održani u Pragu 17.11.1939. godine gdje su studenti protestovali protiv nacističke okupacije, te su streljani bez prethodnog suđenja.

Međunarodni dan srednjoškolaca je dan kada srednjoškolci cijelog svijeta stavljaju fokus javnosti na svoje probleme.

Prošle godine Asocijacija srednjoškolaca u Bosni i Hercegovini je fokus stavila na odlazak mladih iz BiH i segregaciju u obrazovanju, te je u skladu s tim slogan obilježavanja bio : **“Vi nas dijelite u obrazovanju, a van granica nas ne dijele.”**

Srednjoškolci su stavili vlastite probleme u javni diskurs i dali do znanja nadležnim institucijama da je vrijeme da se počne raditi na rješavanju problema koji se tiču srednjoškolaca. Kroz pomenute aktivnosti, srednjoškolci su nastojali promovisati aktivnost srednjoškolaca u borbi za rješavanje problema diskriminacije i segregacije kao krucijalnu vrijednost izgradnje i poboljšanja odnosa među akterima vlasti i srednjoškolcima, te promovisali važnost ostanka mladih u Bosni i Hercegovini.

50 ZAJEDNICA

OD KOJIH: **13** PANEL DISKUSIJA

37 FLASH MOB AKTIVNOSTI

SOCIJALNI DAN

Srednjoškolfci okupirali
čak **1564** radna mjesta!

Srednjoškolfci su još jednom dokazali koliku moć imaju i da žele krojiti bolju budućnost za sebe ali i za naredne generacije. Prethodne godine je realizovan treći "ASuBiH Socijalni dan" kojim su nadmašena sva očekivanja! Imali smo podršku od većine Ministarstava obrazovanja na kantonalnom nivou, Vlade Brčko Distrikta, što pokazuje veliku spremnost obrazovnih institucija za saradnjom u projektu "Socijalni dan".

Socijalni dan je jedan dan u godini kada srednjoškolfci svoje školske klube zamijene radnim mjestima. Novac koji se zaradi Socijalnim danom uplaćuje se u Fond koji se kasnije koristi u svrhe finansiranja omladinskih projekata. Ovim projektom svi uče i svi dobivaju. Srednjoškolfci kušaju rad kroz puno radno vrijeme, škole omogućuju svojim učenicima određeni vid praktične nastave, a kompanije ulažu u lokalnu zajednicu.



SOCIJALNI DAN

Srednjoškolci okupirali
čak **1564** radna mjesta!



Prošle godine, 19.10.2018., učešće u Socijalnom danu je uzelo 1564 srednjoškolca iz 40 lokalnih zajednica, što je više nego duplo veći broj u odnosu na naš prvi realizovani Socijalni dan! Ovo je jedinstvena prilika za srednjoškolce da osjete klimu radnog prostora i vide kako je provesti 8 sati na radnom mjestu, te svojim angažmanom mogu pomoći sebi pri odabiru budućeg zanimanja i istovremeno omogućiti vršnjacima da realizuju svoje ideje. Bez podrške srednjih škola iz cijele BiH ne bismo uspjeli ostvariti ove rezultate, koji su uvidjeli važnost ovog projekta, te dali srednjoškolcima priliku da svoj uobičajeni školski dan zamijene svojim prvim radnim iskustvom, koji će im vjerujemo ostati zauvijek u sjećanju!

Velika zainteresovanost srednjoškolaca i preduzeća nam daje veliki vjetar u leđa da nastavimo sa ovim projektom, ali i sa svima ostalima koji zaista dokazuju da se **sve može kad se hoće!**

XI GENERALNA SKUPŠTINA

U periodu od 12.-14.10.2018. u hotelu Hollywood u Sarajevu, održana je 11. Generalna skupština Asocijacije srednjoškolaca u Bosni i Hercegovini. Slogan ove Generalne skupštine "(G)radimo za budućnost", zaista je pravi pokazatelj spremnosti i volje ovih srednjoškolaca da kroje svojim bojama neku ljepšu, bolju budućnost.



Na samom početku održana je svečana ceremonija otvaranja, na kojoj su prisustvovali neki od prijatelja i donatora s kojima duži niz godina surađujemo. Među gostima našli su se srednjoškolci iz preko 60 lokalnih zajednica, predstavnici Fondacije SHL, Burch Univerziteta, Sarajevo Osiguranja, Vijeća mladih, Unije srednjoškolaca i srednjoškolci Srbije kao i mnogi drugi. Nakon otvaranja delegatima su predstavljani izvještaji (finansijski i narativni) te su imali priliku učestovati u radionicama koje su, kako oni kažu, dodatno razvili njihove vještine. Delegatima su također predstavljani kandidati koji su se kandidovali za poziciju dopunskih članova Upravnog odbora i novog predsjednika organizacije. Na Generalnoj skupštini su izabrani dopunski članovi Upravnog odbora i nova predsjednica. Iskoristili smo priliku da ponovo stavimo fokus na jedan od naših najvećih projekata "Socijalni dan", te smo organizovali ulični flashmob koji je privukao veliku pažnju javnosti. Skupština je trajala ukupno tri dana, a srednjoškolci su se vratili u svoje lokalne zajednice bogatiji za značajno iskustvo, znanje, prijateljstvo i sve ono zbog čega ova priča traje 11 godina.

11. ROĐENDAN ASuBiH

11 godina nismo tihi.


ASuBiH je osnovana 04.11.2007. godine na Osnivačkoj generalnoj skupštini u Sarajevu, podrškom preko 250 srednjoškolaca, predstavnika svojih lokalnih zajednica iz cijele Bosne i Hercegovine. Inicijativu za osnivanje ove organizacije, pored samih srednjoškolaca, pokrenula je njemačka fondacija Schuler Helfen Leben (SHL) koja je i generalni donator ASuBiH-a.

Srednjoškolci iz 48 lokalnih zajednica širom Bosne i hercegovine obilježili su 11 godina postojanja organizacije kroz različite aktivnosti.

Glavna aktivnost sastojala se od simboličnog flash moba, gdje su srednjoškolci predstavili 11 uslova koji se moraju ispuniti kako bi ostali u Bosni i Hercegovini.

Uvjeti:

- Moderno i kvalitetno obrazovanje
- Rad na istraživanjima i naučnim radovima
- Opremljene učionice
- Praktična nastava u preduzećima
- Ukidanje segregacije u obrazovanju
- Korištenje savremene literature
- Inkluzija u nastavnom procesu za svakog srednjoškolca jednako
- Više literature u školskim bibliotekama
- Pобољшanje pedagoških metoda nastavnog kadra
- Jedinstven obrazovni sistem za sve srednjoškolce
- Škole snose troškove obrazovanja



START ME UP

24. decembra na Internacionalnom BURCH univerzitetu održano je još jedno Burch StartUp takmičenje. Događaj koji podržava inovativne poslovne i poduzetničke ideje mladih u BiH.



Nakon radionica, predavanja i različitih faza takmičenja, došlo se do pet finalista koji su koji su ovu godinu ispunili sve prethodne zadatke na najbolji mogući način. Pobjednik, kao i drugo i treće mjesto nastavljaće daljnje takmičenje na Start Me Up Konferenciji. Finalisti su dobili šansu da predstavljaju svoje ideje sudijama u natjecanju za nagradu od 20.000,00 KM početnog kapitala i ulazak u Burch Business Inkubator. Iako su sve ideje ocijenjene veoma pozitivno, zadatak žirija je bio izabrati pobjednika. Nakon kraćeg vijećanja, Academico je osvojio zasluženno prvo mjesto. H&Y Air Conditioner je osvojio drugo i Cinax je osvojio treće mjesto. Prva tri mjesta će dobiti priliku da prezentuju svoje startup ideje na Start Me Up Konferenciji koja će se održati u aprilu 2019. godine.

POZIV ZA ČLANSTVO ALUMNI GRUPI

„Mogu ja otići iz ASuBiH-a ali ASuBiH nikada neće iz mene“

Šta je ASuBiH Alumni grupa ?

Alumni grupa je neformalna grupa koja okuplja bivše članove Asocijacije srednjoškolaca u Bosni i Hercegovini sa namjerom da pruže podršku aktuelnim članovima i aktivnostima organizacije. Prvi segment djelovanja grupe je mentorska pomoć i podrška u realizaciji određenih aktivnosti – aktivnosti koje su delegirane od strane Upravnog odbora ASuBiH-a. Drugi segment djelovanja Alumni grupe je osiguravanje finansijske podrške, odnosno članirana koje se uplati organizaciji kao podrška za realizaciju aktivnosti. Alumni grupa se zasniva na dobrovoljnom članstvu u grupi i nema nikakve nadležnosti – djeluje isključivo savjetodavno.



Ko može biti član grupe ?

Član Alumni grupe može biti svaka osoba koja je bila član ASuBiH, ponašala se u skladu sa misijom i vizijom, te njegovala vrijednosti Asocijacije. Dobna granica za članstvo ne postoji, a članovi Alumni grupe mogu biti i srednjoškolci koji zbog drugih razloga, ne mogu biti aktivni članovi Asocijacije. Ranije obavljana pozicija u Asocijaciji (član, član lokalnog tima, koordinator, član Upravnog odbora, predsjednik) ne donosi nikakav benefit u članstvu u Alumni grupi. Svi zainteresovani su imali priliku da vide više informacija na našoj web stranici www.asubih.ba

Asocijacija Srednjoškolaca u Bosni i Hercegovini

Web: www.asubih.ba

Mail: asubih@yahoo.com



Tel/Fax: +387 33 205 850

Trans. račun: 154 921 200 070 0752

Adresa: Mula Mustafe Bašeskije 7, Sarajevo